

Dumonda Cahenzli-Philipp (Vaz Sut) concernent plazzas d'assistenza en famiglias da tgira

Sch'in uffant na po temporarmain u permanentamain betg crescer si tar ses geniturs, al porscha ina famiglia da tgira in segund dachasa cun metter a disposiziun in ambient stabil che dat sustegn.

Per prender si uffants u giuvenils per intents da tgira e d'educaziun dovri ina permissiun. En il Grischun conceda l'Uffizi chantunal dal servetsch social questa permissiun sin basa da la Lescha davart ils uffants confidads, ed el surveglia las famiglias da tgira. Per garantir il bainstar da l'uffant dovri famiglias da tgira stabilas che disponan da las resursas persunalas e socialas necessarias per guardar d'in uffant da tgira. Ultra da quai dovran er ils geniturs da tgira sezs sustegn ed accompagnament en lur incumbensa impurtanta e savens er difficila.

La tschertga da famiglias da tgira adattadas è pretensiusa, e savens na chattan ins mais a la lunga naginas famiglias adequatas, sco quai che differentas federaziuns spezialisadas rapportan. Quai è in indizi per ina mancanza pli e pli gronda da famiglias da tgira. «I dat pli e pli blers uffants che stuessan vegnir tgirads, ma pli e pli paucas famiglias da tgira», scriva per exempel il chantun Vad e sa drizza cun il problem a la publicitad. Sch'ins na chatta naginas famiglias da tgira, ston ins savens chattar alternativas en instituziuns. Ma er quellas pateschan d'ina mancanza da plazzas. Er il Grischun è pertutgà da questa mancanza. Tenor persunas spezialisadas (d'autoritads collocantas) è la tschertga difficila. Ins sto tschertgar soluziuns provisoricas che na correspundan per part betg a l'indicaziun ed al basegn per collocar l'uffant.

Ultra da quai engrevgescha la mancanza da plazzas en ils chantuns vischins la tschertga da plazzas adattadas.

Dumondas

1. Co giuditgescha la Regenza la purschida da famiglias da tgira en il Grischun?
2. Co è il dumber d'uffants en famiglias da tgira sa sviluppà ils ultims onns?
3. Cun tge mesiras vegn promovì il sector dals uffants confidads?
4. Co pon ins augmentar l'attractivitat da daventar famiglia da tgira? (Exempel: campagna dal chantun ZH)

Cuira, ils 30 d'avust 2024

Cahenzli-Philipp (Vaz Sut), Holzinger-Loretz, von Ballmoos, Altmann, Atanes, Bachmann, Bardill, Basergia, Bavier, Beeli, Biert, Bischof, Bisculm Jörg, Bleuler-Jenny, Brandenburger-Caderas, Caluori, Casale, Casutt, Cola, Collenberg, Danuser (Cuira), Danuser (Cazas), Das, Della Cà, Derungs, Dietrich, Favre Accola, Furger, Gansner, Gartmann-Albin, Heim, Helbling, Hoch, Horrer, Kaiser, Kohler, Kreiliger, Lehner, Loepfe, Mani, Mazzetta, Messmer-Blumer, Mittner, Müller, Nicolay, Pfäffli, Preisig, Rettich, Righetti, Rodigari, Rusch Nigg, Rutishauser, Said Bucher, Spagnolatti, Ulber, Zanetti (Sent), Zaugg-Ettlin